

**Ang Diosnong Trinidad, ang Espiritu ni Jesus,
ug ang Ginghamarian sa Dios**

Basahong Kasulatan: Buh. 1:3; 2:32-36; 8:12;
14:22; 16:6-7; 20:28; 28:23, 31

I. Maingon nga ang Diosnong Trinidad maoy dugokan sa tibuok Bag-ong Tugon, busa ang Diosnong Trinidad maoy estruktura sa basahon sa Mga Buhat; nagpadayag ang matag capitulo sa Mga Buhat sa pagbuhat sa Diosnong Trinidad aron matuman ang pamati-gayon sa Dios sa Bag-ong Tugon—sama pananglit, 1:1-2, 4-5, 8, 11, 21; 2:4, 17-18, 21-24, 27, 31-33, 36, 38; 13:2, 4, 7, 9-10, 12, 16, 23, 30, 33-39, 49-50, 52; 28:15, 23, 25, 31:

- A. Hingpit gyong nalambigit ang Tulo-usang Dios—ang Amahan, ang Anak, ug ang Espiritu—sa pagkayab sa Anak ug sa pagbubo sa Espiritu—2:32-36:
 - 1. Nikayab ang Anak, gituboy Siya sa Amahan, ug gibubo ang Espiritu—Luc. 24:51; Fil. 2:9; Buh. 1:9-11; 2:32-36.
 - 2. Nalambigit gyod pag-ayo ang Amahan, Anak ug Espiritu sa pagbubo sa Espiritu nga ka-hingpitan sa nahikay nga Tulo-usang Dios—v. 33; Juan 7:37-39; Fil. 1:19.
- B. Gibaylobaylo paggamit *ang Espiritu Santo* ug *ang Espiritu ni Jesus* sa Mga Buhat 16:6-7, nag-padayag nga ang Espiritu ni Jesus mao ang Espiritu Santo:
 - 1. Kasagarang ngalan sa Espiritu sa Dios sa Bag-ong Tugon ang *Espiritu Santo*—Buh. 9:17, 31.
 - 2. Isip sudlanan nga gisudlan sa Tulo-usang Dios, hingpit nga naumolan si Pablo sa Espiritu Santo ug sa Espiritu ni Jesus—Efe. 3:14-17; Luc. 1:35; Buh. 2:32-36; Fil. 1:19.
 - 3. Nag-agad ang matang sa buhat nga gibuhat nato alang sa Ginoo sa matang sa Espiritu nga naggiya, nagtudlo, ug nag-umol nato; maumol ngani ta sa Espiritung malangkobon-sa-tanan, magpadayag ning Espirituha ang buhat nato—Buh. 16:6-7; Rom. 8:9; Fil. 1:19.
- C. Nabatonan ni Cristo ang iglesia “pinaagi sa Iyang kaugalingong dugo”—Buh. 20:28:
 - 1. Gipalit sa Dios ang iglesia sa pagbayad Niya sa “kaugalingon Niyang dugo.”
 - 2. Pinaagi sa pagpakatawo nasagol sa tawo ang atong Dios, ang Magbubuhat, ang Walay Kataposan—Juan 1:1, 14:
 - a. Resulta niini, dili na Siya Dios lang—nahimo Siyang Dios-tawo, nga dunay dugo ug mahimong mamatay alang nato—1 Juan 1:7.
 - b. Sa pagkamatay ni Ginoong Jesus, nga Dios-tawo didto sa krus, namatay siya dili lang ingog tawo kondili Dios sab.
 - 3. Ang dugong giula Niya dili lang dugo sa tawo nga si Jesus kondili dugo sab sa Dios-tawo.
 - 4. Busa, ang Iyang dugo, nga pinaagi niana nabatonan sa Dios ang iglesia, “kaugalingon Ni-yang dugo”—Buh. 20:28.

II. Espesyal nga ngalan sa Espiritu sa Dios *ang Espiritu ni Jesus* ug nagpasabot sa Espiritu sa Manluluwas nga nagpakatawo nga, ingon nga Jesus sa Iyang pagka-tawo, niagi sa pagkinabuhi isip tawo ug sa kamatayon sa krus—16:7:

- A. Diha sa Espiritu ni Jesus dili lang naay diosnong elemento sa Dios, kondili naa sab ang taw-hanong elemento ni Jesus ug ang mga elemento sa pagkinabuhi Niya isip tawo ug sa pag-antos sab Niya sa kamatayon—1:3.
- B. Ang Espiritu ni Jesus dili lang Espiritu sa Dios nga naay pagkadios aron makakinabuhi ta sa diosnong kinabuhi, kondili ang Espiritu sab sa tawo nga si Jesus nga naay pagka-tawo aron makakinabuhi ta sa hustong kinabuhi sa tawo ug makaantos sa mga pag-antos niini—Rom. 8:18; 2 Cor. 1:5:

1. Sa pag-antos ni Pablo gikinahanglan niya ang Espiritu ni Jesus tungod kay duna kiniy elemento ug kusog sa pag-antos nga makaagwanta sa paglutos—Col. 1:24; Buh. 9:15-16; 16:7.
2. Sa pagsangyaw nato sa ebanghelyo karon, gikinahanglan sab nato ang Espiritu ni Jesus nga moatubang sa mga pagsupak ug paglutos.
- C. Labaw pang nalambigit ang Espiritu ni Jesus kaysa sa Espiritu Santo—vv. 6-7:
 1. Naglambigit ra sa pagpakatawo ug pagkahimugso ni Ginoong Jesus ang Espiritu Santo—Luc. 1:35; Mat. 1:18, 20.
 2. Naglambigit ang Espiritu ni Jesus sa Iyang pagka-tawo, pagkinabuhi isip tawo, malangkobon-sa-tanan nga kamatayon, nagpaambit-og-kinabuhi nga pagkabanhaw, ug pagkayab—Buh. 1:1-3, 8; 2:23, 32, 36.
- D. Maingon nga realidad ni Cristo ang Espiritu ni Cristo, busa realidad ni Jesus ang Espiritu ni Jesus—Rom. 8:9; Buh. 16:7:
 1. Kon wala tay Espiritu ni Jesus, dili tinuod si Jesus alang nato.
 2. Tinuod si Jesus kanato kay naa man nato ang Espiritu ni Jesus ingon nga realidad, kun pagkaamgo ni Jesus—v. 7.

III. Ang gingharian sa Dios maoy ulohanong hisgotanan sa pagsangyaw sa mga apostol sa Mga Buhat—1:3; 8:12; 14:22; 19:8; 20:25; 28:23, 31:

- A. Kay namulong man sa mga apostol ang nabanhawng Cristo, sa pagpakita Niya kanila sulod sa 40 ka adlaw, “sa mga butang kalabot sa gingharian sa Dios,” nagpakita kini nga ang gingharian mao unyay ulohanong hisgotanan sa pagsangyaw sa mga apostol sa itahas unya kanila human sa Pentecostes—1:3.
- B. Segun sa Bag-ong Tugon, dili makita nga materyal nga ginsakpan ang gingharian sa Dios; sa pagkatinuod, usa kini ka persona, si Ginoong Jesucristo mismo—Luc. 17:20-21.
- C. Magkuyog ang kaiglesiahan ug ang gingharian sa Dios; ang kaiglesiahang nilugwa tungod sa pagpasanay sa nabanhawng Cristo mao ang gingharian sa Dios dinhi sa yuta karon—Buh. 14:22; 20:25:
 1. Ang nabanhawng Cristo, nga nagpasanay sa Iyang Kaugalingon sa pagkayab Niya, pinaagi sa Espiritu, ug pinaagi sa mga tinun-an, mao ang realidad sa gingharian sa Dios; ang gingharian sa Dios mao ang paglapad Niya—1:8; 8:12:
 - a. Ang mga iglesia mao ang paglapad ni Cristo, nga niabot aron isabod ang Iyang Kaugalingon ingog binhi sa gingharian sa Dios; gipadayag kini sa mga Ebanghelyo—Mar. 4:3, 26.
 - b. Sa Mga Ebanghelyo si Cristo ang binhi sa gingharian; sa basahon sa Mga Buhat gipasanay kining binhia aron mapalugwa ang kaiglesiahan nga gingharian sa Dios—8:1, 12; 13:1-4.
 2. Kita nga naa sa kaiglesiahan mao ang pagpasanay ug paglapad ni Cristo, ug gipadako nato ang gingharian sa Dios—Bug. 1:9, 11.
- D. Ang gingharian sa Dios mao ang pagpakaylap ni Cristo nga kinabuhi sa Iyang mga magtutuo nga mopormag dapit nga kaharian sa Dios diha sa Iyang kinabuhi—2 Ped. 1:3-11:
 1. Aron makasulod ning ginghariana, maghinulsol gyod ang mga tawo sa ilang mga sala ug motuo sa ebanghelyo aron mapasaylo ang ilang mga sala ug ipanganak sila pag-usab sa Dios ug makabaton sa diosnong kinabuhi, nga motakdo sa diosnong kinaiya ning ginghariana—Mar. 1:15; Juan 3:3, 5.
 2. Makaambit ang tanang magtutuo ni Cristo sa gingharian sa panahon sa iglesia aron makapahimulos sila sa Dios sa Iyang pagkamatarong, kalinaw, ug kalipay diha sa Espiritu Santo—Rom. 14:17.

3. Mahimong gingharian ni Cristo ug sa Dios ang gingharian sa Dios nga mapanunod ug mapahimuslan sa mga madaogong magtutuo sa umalabot nga panahon sa gingharian aron makahari sila uban ni Cristo sa usa ka libo ka tuig—1 Cor. 6:9-11; Gal. 5:19-21; Efe. 5:5; Bug. 20:4, 6.
 4. Isip walay kataposang gingharian, mahimong walay kataposang panalangin sa walay kataposang kinabuhi sa Dios ang gingharian sa Dios nga mapahimuslan sa tanang tinubos Niya sa bag-ong langit ug bag-ong yuta sa eternidad—21:1-4; 22:1-5, 14, 17.
- E. Sa Mga Buhat 14:22 gihangyo ni Pablo ang mga magtutuong nagpadayon diha sa pagtuo nga makamgo unta nga mosulod gyod ta sa gingharian sa Dios pinaagi sa daghang pagsulay, kay supak man ang tibuok kalibotan nga mosulod ta niini; ang pagsulod sa gingharian sa Dios pagsulod man sa hingpit nga pagpahimulos ni Cristo nga gingharian.
- F. Makita nato sa Mga Buhat 19 nga nakig-away si Satanas batok sa pagpakaylap sa Dios sa Iyang gingharian dinhi sa yuta; usa ka pakig-away, usa ka gubat alang sa gingharian sa Dios ang madaogong pagpangalagad sa pagpasanay ni Cristo—vv. 23-41.
- G. Ang pagmantala ni Pablo sa gingharian sa Dios sa Mga Buhat 28:31 pagpasanay man sa nabanhawng Cristo:
1. Gipamatud-an kini sa mga pulong *nanudlo sa mga butang bahin ni Ginoong Jesucristo*, ug mga butang kini nga may kalabotan sa gingharian sa Dios—v. 23.
 2. Ang pagpanudlo bahin ni Cristo pagpakaylap man sa gingharian sa Dios; busa, ang gingharian sa Dios sa pagkatinuod pagpasanay gyod sa nabanhawng Cristo—usa ka kahikayan nga gibuhay pa gihapon karon pinaagi sa mga magtutuo—v. 31.